

МУРОЖААТНОМА

Бу йил олий таълимга қабул параметрлари 2016 йилга нисбатан 2,5 баробарга ўсди, ёшларимизни олий таълим билан қамраб олиш даражаси 9 фоиздан 25 фоизга етди. Эҳтиёжманд оилаларнинг мингга яқин қизлари илк бор олий ўқув юртларига алоҳида давлат грантлари асосида қабул қилинди.



Бугунги кунда ҳисоб-китобларга кўра, олий таълим муассасаларида ётоқхоналарга қўшимча эҳтиёжи бор талабалар сони 149,4 минг нафарни ташкил этмоқда. Ушбу эҳтиёжни қоплаш учун ҳар бири 400 ўринли 373 та ётоқхона қуриш талаб этилади. Дастлабки ҳисоб-китоблар бўйича бунинг учун 9,1 трлн.сўм маблағ керак бўлади.

ҲУКУМАТ СОАТИ: ТАЛАБАЛАРНИ ТУРАР-ЖОЙЛАР БИЛАН ТАЪМИНЛАШ БОРАСИДА АМАЛГА ОШИРИЛАЁТГАН ИШЛАР ҲОЛАТИ ҚАНДАЙ?

ЎзХДП фракцияси ташаббуси билан Олий Мажлис Қонунчилик палатасида бу масала бўйича ҳукумат соати бўлиб ўтди

Таъкидлаб ўтилганидек, Қорақалпоқ давлат университети, Қарши давлат университети, Андижон давлат университети-ларида ва Чирчиқ давлат педагогика институтларида бюджетдан ташқари маблағлари ҳисобидан талабалар учун ётоқхоналар қурилиши бошланмоқда.

Давлат раҳбари ташаббусларига мувофиқ, талабаларга ётоқхоналар қуриш мақсадида олий таълим муассасаларига Давлат бюджетидан субсидия ажратиш масаласида мутасаддиларга тегишли кўрсатма берилди.

Вазир жавобида, шунингдек, олий таълим муассасаларида қўшимча ётоқхоналарга бўлган эҳтиёжни қоплаш юзасидан бир қатор ишларни амалга ошириш режалаштирилгани қайд этилди.

Ўзбекистон ХДП Марказий Кенгашида

Партия фахрийлар кенгаши-нинг илк йиғилиши бўлиб ўтди

Мамлакатимизда олиб борилаётган демократик ислохотларнинг мазмун-моҳиятини аҳоли орасида кенг тушунириш ва тарғиб қилиш, партиянинг дастурий мақсад-вазифаларни жамоатчиликка етказиш мақсадида Ўзбекистон Халқ демократик партиясининг Фахрийлар кенгаши тузилди.

ХУЛОСА ЧИҚАРИШ, БИР ҚАРОРГА КЕЛИШ УЧУН

албатта янги-янги фожеалар, қурбонлар бўлиши шарт эмас

Сўнгги кунларда ижтимоий тармоқларда кўпчилиكنи ташвишга солган икки фожеа тўғрисида ахборотлар тарқалди. Биринчиси — 5 нафар талаба йигит Тошкентдаги ижара уйда номаълум моддадан заҳарланиб, вафот этган. Марҳумларнинг 3 нафари Тошкент Ахборот технологиялари университети, бир нафари Сингапур ва яна бир нафари Инха университети талабаси бўлгани айтилмоқда. Фожеа 27 февраль куни соат 20:50 ларда Юнусобод тумани, Фирдавсий МФЙ, Инжобод кўчаси, 61-уйда содир бўлган.

Катта орзу умидлар билан ўқишга келган навқирон йигитларнинг ҳаёти нега тўсатдан барбод бўлди? Суд-тиббий экспертизанинг дастлабки ҳулосасига кўра, талабалар ўлими номаълум моддадан ўткир заҳарланиш натижасида юз берган. Ушбу ҳолат юзасидан Юнусобод туман прокуратураси томонидан ЖКнинг 259-моддаси 2-қисми "а" банди (Ёнгин хавфсизлиги қоидаларини бузиш) билан жиноят иши кўзга тилган.

Юнусободдаги ушбу мудҳис воқеадан сўнг 1 март куни Бош вазир ўринбосари Бехзод Мусаев бошчилигида фавулодда видеоселектор йиғилиши ўтказилди. Унда талабалар яшаш шароити ва ҳаракатланиши мониторингини йўлга қўйиш ва бу борадаги ишларни такомиллаштириш масаласи кўриб чиқилди.

Муҳокама натижасида қуйидагиларни амалга оширишга келишиб олинди: Олий ва ўрта махсус таълим, Ички ишлар, Соғлиқни сақлаш вазирликлари ҳамда Фавулодда вазиятлар вазирлигининг "Талабалар яшаш шароити ва ҳаракатланиши мониторингини йўлга қўйиш ва бу борадаги ишларни такомиллаштириш" юзасидан қўшма қарорини қабул қилиш; кўшма қарорда ҳар бир ҳудудда Ишчи гуруҳ тузиб, ижарада ва яқин қариндошини-кида яшайётган талабалар бўйича ўрганиш тизимини жорий қилиш.

Ҳар бир ҳудуд кесимида талабалар турар-жойлари ва ижарадаги талабаларнинг яшаш шароити ва турар-жойи ҳолатини, айниқса, ёнгин ва бошқа техник хавфсизлик талабларига мос келишини тўлиқ танқидий ва таҳлилий ўрганиш; олий таълим муассасалари проректорларининг лавозим вазифаларини қайта кўриб чиқиб, уларнинг талабалар турар-жойи ва

фойдаланилмаётган ётоқхоналарни олий-гоҳлар ихтиёрига ўтказиш орқали қўшимча турар жойларини яратиш, ётоқхоналарни тадбиркорлик субъектлари тақлифларидан келиб чиқиб, давлат-хусусий шериклик шартлари асосида барпо этиш ҳисобида ётоқ ўрини ташкил этиш, ҳар бир талаба билан алоҳида ишлаш тизими орқали олий-гоҳдаги янги тузилмалардан фойдаланиб, ректорлар томонидан ётоқ жойини ижарага берувчи хонадонлар (санитария ва ёнгин хавфсизлиги нормаларига риоя этган) билан яқка тартибдаги ишларни олиб бориш шулур жумласидан. Қолаверса, ижарада турувчи талабаларнинг шароитларини ўрганиш вақтида уларни яшил, сариқ ва қизил тоифаларга бўлиш йўли билан амалий ёрдам бериш тизимини йўлга қўйиш аниқ мўддао.

Ахборот технологиялари ва коммуникацияларини ривожлантириш вазирлиги билан ҳамкорликда уй-жой қидиришга ихтисослашган амалда мавжуд электрон платформалар таркибида "Талабаларга ётоқ жойлари" номли алоҳида рункини кири-тиш орқали улар учун ётоқхона ва хусусий хонадонлардан турар жой қидиришнинг мақбуллаштирилган тизимини йўлга қўйиш ҳам режалаштирилаётган ишлардан бири сифатида тилга олинди.

МУНОСАБАТ ЎЗХДП ФРАКЦИЯСИ КОРОНАВИРУСГА ҚАРШИ



Улугбек ИНОЯТОВ, Олий Мажлис Қонунчилик палатасидаги ЎзХДП фракцияси раҳбари.

Дунёнинг қатор давлатларида аҳолини босқичма-босқич коронавирусга қарши эмлаш жараёни бошланмоқда. Мамлакатимизда ҳам бу масалага алоҳида эътибор қаратишмоқда. Ўзбекистон Президентининг Олий Мажлиси Мурожаатномасида ҳамда Ёшларни қўллаб-қувватлаш ва аҳоли саломатлигини мустаҳкамлаш йили давлат дастурида бу борада муҳим вазифалар белгиланган.

Эмлаш ишларининг самарали ташкил этилиши халқимиз саломатлиги, шу билан бирга, жамиятимиздаги ижтимоий-иқтисодий барқарорлик нуқтани назардан ҳам муҳим аҳамиятга эга. Шунинг учун бугун Олий Мажлис Қонунчилик палатасида Халқ демократик партияси фракцияси ташаббуси билан парламент эшитиш ўтказилди. Унда Санитария-эпидемиологик осойишталик ва жамоат саломатлиги хизмати бошлиғи, соғлиқни сақлаш вазир ўринбосари Б.Юсупалиев ҳамда инновацион ривожланиш вазир И.Абдураҳмонов ахборот берди.

Ўз мухбиримиз.

БМТ ВА ЎЗБЕКИСТОН: ҲАМКОРЛИКНИНГ 29 БАҲОРИ



Зулайхо АКРАМОВА, Олий Мажлис Қонунчилик палатасидаги ЎзХДП фракцияси аъзоси.

Бундан 29 йил аввал, 2 март куни Ўзбекистон жаҳондаги умумий тинчлик ва ижтимоий тараққиёт учун ҳамкорлик қилаётган қарийб 200 та давлатни бирлаштирган, ташкил топганига 75 йил тўлган Бирлашган Миллатлар Ташкилотига аъзо бўлган эди. Бу глобал ва минтақавий масалалар ечим бораида ўз позициясини эркин билдириш, бошқа давлатлар билан дипломатик алоқаларни йўлга қўйиш ва ривожлантириш йўлини очиб берди, десак ҳеч муболага бўлмади.

Ўтган давр мобайнида Ўзбекистон БМТ билан бевосита, халқаро сибсатида эса ташкилот доирасида аъзо давлатлар билан икки томонлама алоқаларни тадрижий ривожлантириб келмоқда. Бунда халқаро нормалар ва ташкилот Низоми талаблари устуворлигига эришиш тарафлари эканини илгари сурмоқда. Бу ташаббуслар қатор муҳим жиҳатларга таянади.

"Ўзбекистон овози" мухбири Тоштемир ХУДОЙҚУЛОВ тайёрлади.

ЎзХДП Марказий Кенгаши Ахборот хизмати.

